



Մ Ա Յ Ր Ա Թ Ո Ռ Ո Ւ Մ

ՀՈՐՆՎԱՐԻ 30-ԻՆ, ՀԻՆԳՇԱՐԹԻ, երեկոյան ժամը 4-ին, Հոգևոր Ճեմարանում տեղի ունեցավ հերթական դասախոսություն: Երեւելանի հաշտուր Աբովյանի անվան մանկավարժական ինստիտուտի դասախոս Ա. Աղամյանը բանախոսեց «Նյութը և նրա կառուցվածքը» հետաքրքիր թեմայի շուրջ: Դասախոսությունը լավեց մեծ գոհունակությամբ: Հարգելի դասախոսը վերջում պատասխանեց թեմային վերաբերյալ ուսանողության մի շարք հարցերին:

ՓԵՏՐՎԱՐԻ 1-ԻՆ, ՇԱՐԱԹ, երեկոյան ժամը 7-ին Հոգևոր Ճեմարանում նշվեց արևմտահայ տաղանդավոր բանաստեղծ Պետրոս Դուրյանի մահվան 86-ամյակը: Վաղամեռիկ բանաստեղծի կյանքի և գրական ստեղծագործության նվիրված խնամված ինքնագիր շարադրությամբ հանդես եկավ Բլաթրանի ուսանող բարեշնորհ Խորեն սարկավազ Պալյանը:

ՓԵՏՐՎԱՐԻ 2-ԻՆ, ԿԻՐԱԿԻ, Մայր Տաճարում պատարագեց և քարոզեց հոգեշնորհ Տ. Հուսիկ արեղա Սանթրույանը, «Ոչխարք իմ ձայնի իմում լսեն և ես ճանաչեմ զնոսա» բնաբանով:

ՓԵՏՐՎԱՐԻ 6-ԻՆ, ՀԻՆԳՇԱՐԹԻ, Հոգևոր Ճեմարանում դասախոս Ա. Աղամյանը կարգաց իր երկրորդ բանախոսությունը «Երկրի արհեստական արբանյակները» թեմայի շուրջ:

ՓԵՏՐՎԱՐԻ 8-ԻՆ, ՇԱՐԱԹ, Ս. Իսահակ Պարթև Հայրապետի տոնի օրը, Մայր Աթոռի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը կազմակերպել էր ընդունելություն, որին բարեհաճեց ներկա լինել Վեհափառ Հայրապետը և շնորհավորել Մայր Աթոռի լուսարարապետի և Գերագույն Հոգևոր Խորհրդի ատենապետի անվանակոչության տոնը:

ՓԵՏՐՎԱՐԻ 9-ԻՆ, ԿԻՐԱԿԻ, Մայր Տաճարում սուրբ պատարագ մատուցեց արժանապատիվ Տ. Մկրտիչ քահանա Մկրտչյանը:

ՓԵՏՐՎԱՐԻ 10—17 ՕՐԵՐԻՆ, Ս. Վարդանանց տոնի և Բարեկենդանի առթիվ, արձակուրդ տրվեց Հոգևոր Ճեմարանի ուսանողության:

ՓԵՏՐՎԱՐԻ 11-ԻՆ, ԵՐԵՎԱՆԻ, տոն «Սրբոց Ղևոնդեանց քահանայիցն»: Մայր Տաճարում հանդիսավոր սուրբ պատարագ մատուցեց արժանապատիվ Տ. Հակոբ քահանա Հակոբյանը:

ՓԵՏՐՎԱՐԻ 13-ԻՆ, ՀԻՆԳՇԱՐԹԻ, տոն «Սրբոց Վարդանանց զօրավարացն մերոց հազար երեսուն և վեց վկայիցն», որը կատարեցան ի մեծի պատեհազմին:

Ազգային մեծ տոնի առթիվ այսօր փակ էին Մայր Աթոռի բոլոր հիմնարկները:

ՓԵՏՐՎԱՐԻ 14-ԻՆ, ՈՒՐԱԹ, «Տեառնընդառաջ»: Մայր Տաճարում եպիսկոպոսական հանդիսավոր սուրբ պատարագ մատուցեց գերաշնորհ Տ. Սահակ արքեպիսկոպոս Տեր-Հովհաննիսյանը և քարոզեց «Արդ, արձակեա զծառայս քո, Տէր, ըստ բանի քում ի խաղաղութիւն, զի տեսին աչք իմ զփրկութիւն քո, զոր պատրաստեցիր առաջի ամենայն ժողովրդոց» բնաբանով:

Սուրբ պատարագին ներկա էր Վեհափառ Հայրապետը:

ՓԵՏՐՎԱՐԻ 15-ԻՆ, ՇԱՐԱԹ, երեկոյան ժամերգության ընթացքում, վարագուրվեցին Մայր Տաճարի սուրբ սեղանները Մեծ պահոց նախօրյակին:

Երեկոյան ժամը 8-ին, Վեհափառ Հայրապետի բարձր նախագահության տակ, Հոգե-

վոր Ճեմարանի թատերական ինքնագործ խմբակը հանդիսությունացի սրահում ներկայացրեց Սմբատ Բյուրատի «Ավարայրի արածիվը» թատերերգությունը, վերատեսուչ գեղարվեստի Ս. Հայկազուն սրբազանի ուսուցմամբ և բարեշնորհ Սարգիս սարկավագ Բեհրուդյանի բեմադրությամբ:

Ներկայացման ներկա էին Մայր Աթոռի միաբանները, Հոգևոր Ճեմարանի դասախոսական կազմը, վանքի պաշտոնեականությունը և բազմաթիվ հրավիրյալներ:

Ներկայացումը անցավ հաջող, արժանանալով բոլոր հանդիսականների ջերմ գնահատման և քաջալերանքին:

Փետրվարի 16-ին, ԿԻՐԱԿԻ, Բուն Բարեկենդան: Մայր Տաճարում վարագույրված սուրբ սեղանի առաջ պատարագեց արժանապատիվ Ս. Հակոբ քահանա Հակոբյանը: «Հայր մեր»-ից առաջ քարոզեց լուսարարական գերաշնորհ Ս. Սահակ արքեպիսկոպոս Տեր-Հովհաննիսյանը Մեծ պահոց խորհրդի և նշանակության մասին:

Նրեկոյան ժամը 7-ին Վեհափառ Հայրապետը բարեհաճեց սեղանակից լինել միաբանության և ուսանողության վանական սեղանին, Բարեկենդանի ուրախ առիթով:

Փետրվարի 17-ին, ԵՐԿՈՒՇԱՐԹԻ, Մայր Աթոռ ժամանեցին Ադրբեջանի թեմի առաջնորդական փոխանորդ հոգեշնորհ Ս. Տիրայր վարդապետ Մարտիկյանը և Շիրակի թեմի սուրբնորդական փոխանորդ հոգեշնորհ Ս. Հայրիկ վարդապետ: Ավետիսյանը, թեմական Կործերով:

Վեհափառ Հայրապետը բարեհաճեց ընդունել Ս. Հայրիկ և Ս. Տիրայր վարդապետներին:

Փետրվարի 18-ին, ԵՐԵՎԱՆԻ, Հոգևոր Ճեմարանում վերսկսվեցին դասավանդությունները Բարեկենդանի արձակուրդից հետո:

Փետրվարի 19-ին, ՉՈՐԻՔՇԱՐԹԻ, Մայր Տաճարում Հոգևոր Ճեմարանի ուսանողների մասնակցությամբ կատարվեց հանդիսավոր Արևազալի ժամերգություն, որին ներկա էր Վեհափառ Հայրապետը:

Մեծ պահոց օրերին, երկուշաբթի և ուրբաթ, երեկոյան կատարվելու են հանդիսավոր հսկումի արարողություններ, իսկ շոբեքշաբթի և ուրբաթ՝ առավոտյան ժամերգության վերջում՝ հանդիսավոր Արևազալի ժամերգություն: Ամեն օր առավոտյան ժամը 11-ին կատարվելու է Ճաշու ժամերգություն, Մեծ պահոց հատուկ աղոթքներով և ընթերցումներով:

Մեծ պահոց օրերին կքարոզեն Մայր Աթոռի միաբան հայերը, հոգեպես մխիթարելով հավատացյալներին:

Փետրվարի 20-ին, ՀԻՆԳՇԱՐԹԻ, երեկոյան ժամը 4-ին, Հոգևոր Ճեմարանում իր երրորդ դասախոսությունը կարդաց պր. Ա. Ադամյանը՝ «Ատոմական էներգիան» թեմայի շուրջ:

Փետրվարի 22-ին, ՇԱՐԱԹ, երեկոյան ժամերգության ժամանակ Մայր Տաճարում քարոզեց Ս. Հովհաննիսյանը վանքի վանահայր հոգեշնորհ Ս. Նահապետ վարդապետ Նահապետյանը՝ «Ողորմես ինձ, Աստուած» սաղմոսի ընթերցումով:

Փետրվարի 23-ին, ԱՐՏԱՔՍՄԱՆ ԿԻՐԱԿԻ, Մայր Տաճարում պատարագեց Հոգևոր Ճեմարանի վերակացու արժանապատիվ Ս. Հովհաննես քահանա Մարությանը: «Հայր մեր»-ից առաջ քարոզեց Ադրբեջանի թեմի առաջնորդական փոխանորդ հոգեշնորհ Ս. Տիրայր վարդապետ Մարտիկյանը՝ «Եւ զխորհուրդն, զոր խորհիք, խափանէ Տէր, զի Աստուած ընդ մեզ է» ընթերցումով:

Փետրվարի 27-ին, ՀԻՆԳՇԱՐԹԻ, Հոգևոր Ճեմարանում իր վերջին դասախոսությունը կարդաց Ա. Ադամյանը՝ «Արհեստական արեգակ ստանալու մասին» թեմայի շուրջ:

Դասախոսության ներկա էր Վեհափառ Հայրապետը:

Փետրվարի 28-ին, ՈՒՐԱԹ, երեկոյան, հանդիսավոր հսկումի արարողություն կատարվեց Վեհափառ Հայրապետի նախագահությամբ: Քարոզեց Ս. Հայկազուն եպիսկոպոս Աբրահամյանը: Սուրբ արարողությունը և քարոզը ձայնասփռվեցին Նրեկոյանի ռադիոկայանից շաբաթ, մարտի 1-ի գիշերը:

